

# Jekkabaara

Jamana



Cikela ceman n'a musoman kunnafoniseben

a bə bə kalo o kalo

Jamana baarada la BP: 2043 Bamako (Mali)

## "APC" sigili be sen kan CMDT

Je 2-3-4nan

### Kalo ladilikan

Nin sen in na, n bëna paara je kelen panni ke ka taa laada ni san ce. N tēna kuma bana kerenkerennen kan; kuma te bana-nofe-kasaaraw ma. Nka n bëna kuma an yérew jogojugu de kan min be tali k'an ka denmisénw n'u ka sinijsigi kan.

Yali aw b'a dōn ko bi bi in na, denmisénfeere ni denmisén bolodonni fitinew kéléminentigiya la, k'o kelen be so ye ka daga fara wa ? K'a ta Seralon, ka tēme Liberiya ni Kongo, fo ka se Eta-Zini (USA) ma, denmisén maa 300 000 ni kō de kéléminentigiw don kélédagaw kono. Awa, olu sihake b'a ta san 7 ka se san 14 de ma. Mun dun kéra ? Fen min ye denmisénfeere ye, o be ke ka jésin Kodowari jamana ni Gabon jamana ma, ani kafe ni kakawo sene jamana tōw bëe. Nka nin bëe be ke denbatigiw ka neji an'u ka kunpan de kan. Nin balawu fiñe jugu in dun bëra min ? Mali jamana kelen ko ka lawale kewale juguw matarafa, n'o y'an ka cebaw boli ye k'u kunmafelen nassaaraw ka jaflew n'u ka marafaw la, bi, fasoden jugu dōw kelen be k'o walejugu ta ka jésin an ka denmisénw ma. Hali ni denmasaw ni jamana ka dimi jubaju ko don, olu ka nafolo sorosira dëre. Aa ! jaa ko tēna to këbali ye diñe in kono belen !

Tumani Yalam Sidibe



### Baginda malosénebaarada jemaa ka san laadalataama

je 9-10nan

### Cébilennin ka maana tigeda filanan

je 12nan

"Kalan be mögɔ son hakili la, nka kunnafoni be mögɔ bɔ kunpan na". Yoro Ulen Sidibe

# Netaa ka sabati !

**B**amananw b'a fo ko "maa te kojan tige, n'i m'i kofile". O be cogo min na, dijenatige yere be ten. Walasa i k'a don ko furanceba b'i ne, a kafisa i k'a don i ye furance min boli ka ban.

An ka nin sen in jemukan b'an lase kene caman kan : Mali jamana kunda ; CMDT kunda ani "World Wision" kunda.

N'an ko Mali jamana kunda, an da be se samijeko ma. An bee b'a don ko n'i ko muso pagalenga, i b'a soro a ce de kera Disikoro Nciba ye dere ! N'i y'a men an ka cike walima an ka baganmara ke, o si te taa samijie sanji ko. Nka, a man kan fana anw ka b'one o sanji nafa la ka da an ka timinangoya, walima an ka farifaga, walima an ka fugariya yere kan. Sanji ye neema ye, neemaba. Nk'a tono sorobaga ye "Dabamasa" folo de ye, jamanaden bee be soro ka bo ale nunma. An k'an kofile dere. Kabi lawale dabananaw cemancefangakolo ye daba, koro ani falow ni soliw de ye; ka dugukolo kele, ka fen nini a fe ani k'o soro a la, u ma fen min d'a ma. Aw m'a don wa ko : fen bee b'a kelebaga juguya ka damatem, nka dugukolo de b'a kelebaga son k'a lawasa !


An ka koorisenenaw n'an ka nomasaw an'an ka tigamasaw ; an ka dugukolo kelebagaw, aw minnu y'aw yere son sanga ni waati bee ka soro ka jamanaden tow bee bo aw nunma, a y'a don ko samijie sera dere.

Fen min ye CMDT konokow ye, haate ! Fota te ban yen. Nka i be do de ta ka bo a toba la k'o sensen. Nin yoro in na, an be

kuma koorisenenaw ka labenton kura de kan min be wele ko "APC". A koro te ko "AV" m'a joyoro fa. Nka san be kotige waati bee k'a ko to nkomi ye. I k'a don ko an be waati min na i ko sisan; AV taabolo dansagonna cikelaw fe. Awa wajibi den feere kura ka nini u ka lajatonko la, bee lajelen be nafa soro min na. O de kanma, k'a damine Jekabaara boko in na, ka se boko nata werew ma, Jekabaara kalanbagaw bena kunnafoni kerenkerennen soro ne 3 la "APC" kan, n'o ye koorisenenaw ka labenton kura ye dugu kunda, mara kunda ani jamana kunda

ke signegekor o kasaaraw ye. U be to a la sanko den. Wajibi don an k'an banban an ka laadala-ko koro kan. Nk'a man kan

fana an ka bije ye sanga ni waati bee k'an tugu k'an ne turu a la. Dine kono, ko bee n'a temesira don. An k'a don ko musomaninw ka signegekor maasiba de bari-ka ka bon n'a nafaw ye. Aw m'a ye, a ka ca a la yere, n'a bora anw Afrika tilebinyanfan jamana damado la : Mali ; Lagine ani Burukina, musomaninw, ka signegekor te sanga la, aw'a ma deli ka te sanga la yere fana dine



Senekela ka soro te yiriwa misidaba ko

Jekabaara ka kosaferboko kono "World Wision" neemaaba Eli Keyita da sera musomaninw ka signegekor o kasaaraw ma. O jemukan ye ne "filaw ka lamden" nisondiya kosebe. Aw k'a laje ke. Muso joli de be b'one u ka adamadenya la bange senfe k'o sababu

fan si. Nin bee de kanma, an b'a fo karamogo Eli Keyita fe ko : an ka musomaninw ka signegekor boloka, k'u ka kalansolataa sankorota, n'o kera an be "tuma kura tile", yeelen ye, ani k'a laha-la bererebereg d'en.

Tumani Yalam Sidibe

# Koɔrisenewaw ka jekuluw labanbanni

**N**in san tan laban ninnu kono "AV" (AW) kera sababu ye ka seneferaw soro sankorota ani ka cikelaw ka soro yiriwa. Nk'o n'a taa bee, u be geleyaw kono bi k'o sababu k'u labencogo an'u ka musakadaw ye. O geleyaw nana ni nin walejuguw de ye :

- jamajenafolo labaarakojugu
- tondenw ka fa kojugu juru la
- ton maa barikamaw ce benbaliyaw

## - ton neomogoyako geleyaw

Nin geleyaw kera sababu ye ka AV caman ci. Lakodonsenbenntanya ani ton labaara sariyaw ntanya, olu joyoro bonyana haali geleya ninnu basigili la.

baara boloda taasira y'a jira ko labenbolo kura ka kan ka sigi sen kan, min te sendika ye, nka ni cikelaw bee ka ketaw pereperalatigelen don a kono. O bena ni koɔrisenewaw ka jekulu bereberew sigili ye sen kan. O taasiraw ye :

- ka sinsinni ke dugu kono nɔgɔndemɛ taabolosira kɔrow kan, ka masoro beeje tɔnba kelen na, o min ye AV kuntilenna ye, o te sen sorɔ bi.
- ka AV laben ka da u kɔnomogow ka baaraw kuntilenna kan.


An be se ka nininkali ninnu k'an yere la :

- jɔn de ka kan ka ke tonden ye ?
- ton joyoro ka kan ka ke mun ye ?

## 1. AV bilama cogoya

Dugutonw bilama kelen be geleyaw sun de ye. CMDT ye ninini caman k'a ka cikelaw ka tonw kono geleyaw kan, walasa k'u sababu bereberew dɔn. O geleyaw sababu ba do ye AV cili ye ka caya dugu kelen kono.

O nejini nɔgɔnye min kera Segu, k'a ta san 1998 desanburukalo tile 15 la ka s'a tile 18 ma, dugutonw kan, o y'a to CMDT ni koɔrisenewaw ka se ka hakilijagabo ke geleyaw taabolo kan, ka



segesegeli k'u lahalaw kan, ani k'u sababuw nini k'u sidɔn. O bee kera walasa ka fura jɔnjɔn nini u kanma. **Geleya suguya naani de jateminera ani k'u fesefese**

- Geleya sɔrɔtaw ka da labencogow kan lakodonsenbenkontanya kanma, min be geleya don kɔlosili taabolo la.
- AV baaraw kono geleyaw ka da u ni CMDT cesira taamabagaw ka faamuyabaliya kan.
- AV kow bee toli maa damadɔnin ka bolo kan, ani AV sendonni dugu ka baara bee waleyali la, o fana ye geleyaw sababu do ye.

## Musaka labaariali kono geleyaw, k'o sababu ke :

- Kɔlosili te ke AV kan cogoya si la.
- Juru donko juguya
- Cikelaw kanfa kojuguya juru la.
- O nininiw y'a jira ko wajibi don yelema ka don CMDT ka cikelaw ka tonw taabolo la, walasa ka danaya to cikelaw ni nɔgɔn ce ani ka jelenya don kɔori taabolo la duguw kono. O y'a to nɔgɔnye kebagaw ye lajininiw ke, bolisiraw :

## Segu nɔgɔnye ka lajiniw

- AV geleyantanw
- AV minnu cira ka na ni AV caman ye dugu kelen kono
- AV kura sigilenw sen kan.
- Fen min ye AV geleyantanw ye,

lakodonsenbenntanya de b'olu kunkan.

• Fen min ye AV cilenw ye ka bange AV caman na dugu kelen kono, o be geleya sɔrɔtaw kan, minnu be tali ke AV kura sigilenw ka desenyerekoro kan ka jesin AV baju folo ma.

• Fen min ye AV kura sigilenw ye sen kan, o b'a wajibya taa ka ke AV sigiligafe kɔnɔkow dantigekan sira fe.

CMDT ciyakelaw ni jɛnɔgon baaradaw joyoro ye ninnu de ye "APC" (koɔrisenewaw danma yiriwatonw) sigili la sen kan.

- Ka danaya rɔkuraya netaatɔnw kono n'u yere sendonni y'u ka baara ketaw waleyali la.

- Ka nɔgɔndemɛ ni tilalihakilinan banban dugudenw ni nɔgɔn ce, ani baarakɛnɔgɔnya, fo ka se hakilinan falen-falenni ma baara kadara kono. Ka nɔgɔnkalan ani nɔgɔnkun-nafoni sinsin dugudenw ni nɔgɔn ce.

- ka nafolo sɔrɔdaw sigi sen kan ani k'u labarika

- ka cikelaw ka netaatɔnw ke CMDT ni demedonbaaradaw temesiraw ye duguw kono, deme siratige la ka jesin u ni jagokelaw cesiraw ma, ani u ni netaademebaarada werew, minnu

be sigida kono, ani minnu b'a kakan.

An be se k'an yerejininko ko :

- Danaya be se ka r'kuraya cogo-di cikelaw ni n'ogon ce ?

Mun be ke walasa ka tonw farafar-li bali ?

- Feere jumen be tige walasa ka cikelaw ka nemogow lakalan a nema Ka ben lajininw ma minnu dara kene kan CMDT ni koorisenenaw ka sendika ce ? Segu n'ogonye senfe min kera san 1999 zanwuyekalo tile 21? CMDT nemogoda ni Sikoru nemogoda jera k'u wasadon koorisenenemaa 8 na, bojogonnataamaw kanma. O bojogonnataama kera sababu ye ka sira bo Mali koorisenenaw, ni kodowari koorisenenaw, ani Burukina koorisenenaw ce, fo ka se Kameruni koorisenenaw ma.

Baara sabatili nejini kalanbolow ka fara bojogonna hakili sorolenw kan, koorisenenaw ni n'ogon ce nin cogo in na, o b'a to an be se ka cikelaw ka netaaton berema sigi sen kan sigida kono ; mara kono ani jamana kono.

#### Bojogonnataamaw

O lajinini ye, k'a to Mali koorisenenaw k'a don yelema donna cogo min na u ka jamana yelenw kono koorisene taabolo la, minnu kera sababu ye ka senye yiriwali ni sigida ka netaa siraw boli ye n'ogonna, ka sigida ka netaasiraw boli to kominiw bolo. O siratige la u dijena ni nin fenw ye :

- Burukina, o cikelaw ka netaatonw be wele ko : "GPC" (koorisenenaw ka jekulu).

- Kameruni, o cikelaw ka netaatonw be wele ko "GIC" (Sigida hakilijumantigw ka jekulu).

Ni Ala sonna, boko nata kono, an b'ena teme ni masala to ye "APC" kunkan.

**Seben bayelemabaga :**  
Tumani Yalam Sidibe

## Keneya nasira Hadamaden jugu folo ye bana ye

Ka bo CIECS yoro, k'a lase Jekabaara kalanbaga jekulu ma. Dine seleke naani na, sogosogoninje be ke maa min sata ye bi, a ka ca maa


2 000 000 ye san kelen kono. Wa, o su fanba be bo fanta jamanaw kan. Mali jamanayere kono yan, sogosogoninje be ka walankatan ni barika ye. San 1999 kono, sogosogoninjeto min taara a yere jira, o ye maa 4460 hake ye, wa maa minnu nin tora a la, o ye 108 n'ogonna ye. O banabaato minnu nana u yere jira, maa 2670 ta tun ye sogosogoninje yelemta ye. Sogosogoninje min ka jugu n'a to bee ye, o ye fogonfogon ta ye.

A bana in cayali kunba ye minnu b'u ta dogo, walima k'a furakeli ke bolokofetofen ye. A juguyali kun filanan ye, ferew tigebaliya ye joona ka nesin a kumbenni feerew ma.

Dokotoro Mamadu Jalo y'a jira ko Sidabana fana sen be sogosogoninje walankatani na, sabu Sida y'a ke a sinsinbere do ye.

Sogosogoninje togolaso in dayelenna san 1995. A sigikun ye bana in yelemti kumbenni ye. Aw k'a don ko sogosogoninje in be minnu na, n'olu ma taa u yere jira, o tigilamaa de be ka bana in jensen ka soro u t'a kalama. O yere b'a soro d'ow be ka fura k'a la, min te se k'a furake. Walasa sogosogoninjetow ka furakeliko ka n'ogoya, OMS (Dine keneyako tonba) y'a geleya jamanaw ma, u ka furakeli cogo n'ogoman ke waati surunman k'ona na. Wa o te ne fo jamana nemaaw k'u sendon a la, fura caman ka soro,

furakeli cogo numan ka ke, ani furakelila kalannenw ka fara segesegeli cogo n'namaw keyoro kan.



**Keneya sabatili te taa dokotoro jaamuyalenw ko**

Furakeli kurtagala be taa kalo seegir hukka. O y'a ka sebaaya jira, sabu, i dan ye ka furaw ta, tacogo la kalo fila folo kono. O de b'a yelemti dabilta maa w'ew fe, dokotoro Jalo ke ten.

Bi min ye bi ye, sogosogoninjeto, furakeli ma se i ka wuli ka na faaba la bilen. A furakeli yoro walankatanna jamanay fan bee. Sisan, furakeli be ke komini bee dokotoroso la. A ye wuli, a ka komini dokotoroso segere, a kera sogosogoninje segesegeli ye, wali a furakeli, a be ke aw yere koro yen. Boloci min be ke ka sogosogoninje kumben, o be denmisennin caman tanga sogosogoninje ma min be maa mine i kunsseme na. Nka o boloci in te foyi ne. K'a don ko sogosogoninje ye bana juguba ye, a be maa mine i fogonfogon na, w'a be se k'i faga.

A ye wuli joona a k'aw ka komini dokotoroso segere. N balimaaw, taamajan bora aw ma.

CIECS - Bamako

Fanta Kulibali

## Politikiko taabolo

### “Demokarasi” (jémufanga) : nedonya wa Jamannenya ?

An ka jamana jaaraba dō, n'o ye Umu Sangare ye, a ka donkili do kono a ko : “ne be bén ni kelenya fisaya ni sanu ni wari ye”. O b'a jira ko bén ni kelenya ni kotonogontala njogon te sigi kono. Kabini politikimogow ye kuma in ke u dalagese ye, k'a miiriya numanw ta walasa an danbe kana bo an na k'o ke politiki sabu ye, malidenw (cew ni musow) caman ye banbantiya ke u taabolo ye : Jamana sariyaw te labato, maa gaasi te sigi tun, kumakan jugu kera u dalagese ye, miirigu, hakilinajugu de be ta ka nessin Faso ma, bée kera woro ye maa si te kaman ye, yeresagoke dugujera, yeresagoke dun bennet don sconsorodugu ka teme sigidugu kan.

Misali : Sibridon, zuenkalo tile 2, waati 13nan tuma, Bamako dibida la, tile farimanba koro, cekoroba 2 ni kamalen 1 tun be ka njogon soso “sotarama soferiw ni polosiw ka kelen kan : cekoroba 2 ninnu ko : cogo si la soferiw ni polosiw tun man kan ka mankan ke bawo polosiw te u yere ka baara la, u be faso ka baara de ke, kamalen in ko polosiw jo t'a la sabu sariya ko polosi kana tugu soferi k'ko bilen... O cogo de la, cekoroba were nana k'i kanto ko : “tijé be a 2 bée bolo, bawo, ni jamana tora a yere bolo, nemaaw te jo u joyoro la, sariya te boli a nema, fanga te bonya, bée b'i sago ke, jamana be ke sidonbali ye... Nin kuma in ye ne miiri janya kosebe, sabu filen ni galama mana tu njogonna, balawu be wuli jamana kono :

- Politikimogow be wuli ka taama bolo nw kono ko fanga min b'an kunna o te fagan lakika ye.
- Lakolidenw ko ni u ka lanini

bée ma dafa, mogo te da janko ka sunogó : a be san 10 bo sisani kalan ma sira soro an ka jamana kono.

- Lakolikaramogow fana y'u sendon : ko ni do ma fara u ka soro kan u te “bi” seben bilen kalanden kun.

- Sariyatigow fana y'u bolo bo k'u yere jira k'olu t'a fe k'u kunkanku kuma men maa were da janko a juguma (olu ye Bamako méri Iba Njayi ni arajomali nemaaba wele kiiri la k'u b'u bila kaso la. Ala ni maa hakilima dow sababu, ji bonna o tasuma na).

- Sotarama soferiw ni parantiw fana ye Bamako bée wuli k'a jo a sen kan ka polosiw sigiyorow dagakolonci, k'u filenkolonci, ka d'a kan ko polosiw ye u baa-rakejogon do gen fo o y'a yere fili baji la la, n'o kera o sata ye.

N'i y'i sigi k'i miiri nin bée la, i ka kan ka siran, i ka kan ka jecor bawo n'a tora nin cogo in na, Ala k'an kisi...

O tuma, a y'a to an ka njogon mininka : jón kelen no don ?

- Jamana nemaaw bawo konkon jége kun te ci a ne k'o : n'olu ma jo u joyoro la, ni misa juguba.

- Ni denmasaw : ni nemaaw sirana denw ne, u te se ka tijé fo u ye

- Kalandenw : fo olu k'a don ko min te jemén kono, o te se ka bo a kono ; denmisanya te maa tijé.

- Jamanakondenw : fo bée k'i joyoro fa folo kasoro k'i ka hake jini n'o te forokonin be to a dogisara la. O la, Maliden bée ka kan k'a don ko balawu nafa te maa si kan, tijé don demokarasi ka nika nedonna te wa jamannenya fana te.

**Idirisa Seitigi Sako**

## U ko

Aw t'aw miiri kamalen numan ni kasange ma, manumanko don. Saya te jón to. Aw t'aw miiri sungurun numan ni kasange ma, manumanko don. Saya te jón to.

**Salifu Keyita  
Dondkilidala -  
Bamako - Faransi**

Maa min be balo su kasange la, n'i nana i ka suko fo o ye, i ma dōwēre ke o ka kenekan kasikun gansan ko.

**Hamidu Jara  
Arajo “Kiledu” Bamako**

A ye bo an kan, dugaw, a ye bo an kan de, numanke te maa si bali tōgötine ma.

**Wolofinena balafola**

Mogo t'a dōn ko horonya ye masaya ye, fo n'i y'i yere ka dinenatige nōrōngōlen ye k'o sababu ke kunko gelaw ye, boda were t'i la minnu kono Ala yere ka latige ko.

**Yunusa Faseri Balo  
Ka bo Kumantu**

Nin yoro ji ne ka fin, bama tigelimakan don.

**Karimu Kulibali  
Ka bo Koni (Bagineda)**

Baginda maloforoko kelen b'an bolo “tile ye n ka wulunin faga, sanji ye n bali k'a jeni ye.

**Lasine Konate  
ka bo Mofa - Bagineda**

## CMDT labenni kura ye ani a senboli forobabaaraw waleyali la

Boko temenen kono an kumana aw ye kooriko kunkan lajeba kan. Nin yoro in na, aw bera taabolo bolodalenw de kalan CMDT ni kooribaara taabolo labenni kura kan.

### 6.1. Ciya latemetaaw

Ciyaw	Latemeni bolodalen don waati min kono	Latemeni be bila minnu ka bolo kan ani senkorodonni siraw
1. Minenjini a. Senekeminen b. Nogo	O be senna san 2002 fo san 2003	- Numuw - Ciketonw Kalan be ke k'o baaraw senkorodon.
2. Sigida sirabaw a. Labenni ani lasagonni b. Sira kuraw boli	San 2001 San 2001	O be to CMDT ka bolo kan san 2001 fo san 2002 kasoro ka labila kenyereyew ye. T.P. ni a baara nedonbagaw
3. Sigida ka jiko topotoli kuntaalajan	San 2001 fo 2002	DNH (jamana jiko nenaboli cakeda)
4. Soroda cayali, soro, deme ka nesin sannifeere ni bayelemani siraw ma.	San 2001 fo 2003	Kenyereye laadilikelaw PASE ni APROFA ni PASAOP ka deme kono
5. Sigida yiriwali (kalanko ni kencyako)	San 2001	Kominiw ni marabolo kuluw
6. GRN a. Foro neboli b. AGT (Sigida labenni baaraw)	San 2001 fo 2003	CMDT sen be o la ka fara marabolo kulu kuraw kan
7. Maloforow boli ani falaw lakurayali	San 2002 fo 2005	Marabolo kuluw
8. Hadamadenya yiriwali damakeneni		CMDT ka bolo kan koori soro bolo fe
9. Malo, pomiter, ncogon, tiga laadilikelaw	San 2001 fo 2004	PASAOP, PASE ni ONG

### 6.2 Wurusili baarafanga sankorotali kan :

- Ka koori donini labila doonin doonin kenyereyew ye. O labilali senfe, ninan cikesan na (san 2001/san 2002) kemé sarada la, 30 be labila kenyereyew ye
- Ka cakeda bolofara dayelen, kenyereyew sen be min na n'a manankun niyortigiba ye CMDT ye.
- Walasa wurusili izini kulu ka baara ka laben kojuman :
  - Segu ni Kucala I iziniw ka datugun
  - Bamako ni Kinparana wurusili iziniw lajoli min tun bolodara o ka bo a ma folo fo ka taa se Welesebugu izini kura banni ma.
  - Ka kinparana izini I datugu ni Welesebugu ta dayelenna waati

min, ani ka Bamako ta yelema Kinparana.

### 6.3 Koirimugu sannifeere sankorotali kan

- a) ka jagokelaw latom ka bo ncogon na magonewele do sen fe.
- b) ka COPACO baarakefanga jatamine ke san o san walasa k'o dan don.
- c) Ka CMDT ka jagoko bolofara kokorodon
- d) Ka galabukeneya walew don CMDT ka baarabolofara la min nesinnen don nesuguyako ma. Cikelaw sen be don o kouew waleyali la.
- e) Ka koori NTA 88-6 nonabila ni suguya werew ye minnu be soro labugun i n'a fo NTA 90-13
- f) Ka cikelaw lasomi ani k'u kalan

kooribocogo n'a lasagoncogo numan na.

- g) Ka sannifeere latige sariya jelenw fe minnu be taa CMDT ka nafoloko hakilina siraw fe, wa sariyaw be lajeya kenyereyew ye.

### 6.4. Nenabocogo kolosili n'a noboli

- a) Ka niyortigiw ka kolosili kologirinya CMDT cakedajenabobolow kan.
- b) Ka kunnafonini sira jonjon laben walasa kunnafoni be lase teliya la koori soro baarabaga be ma.

### 6.5 CMDT lawulili nafoloko kan

- a) K'a jini ka CMDT kannajuru koro sara n'olu ye sefawari miliyari 55 ye (miliyari 30 min tun ka kan ka sara ka ben ni ninan

zuwenkalo tile 30 ye, o be kasabi folen in na). O jurusara siratige la, Mali goferenaman be se k'a nini :

- "Bretton Woods" (Dine kunkankow latigeyoro o deme kanma makobatigiw yoro) cakeda ka julu don a la soroda in lawulili sira kan.

- Nafoloko demejini ke a demejogonw fe.

b) Ka ninan cikesan 2001/2002 labaaranafolo, sefawari miliyari 80 fo 100 ,nini

c) Ka senboli ni lawulili siraw joda lajeya musaka ketaw la kooribaara la.

d) Ka feere sigi sen kan ka do bo CMDT baarakelaw hake la. CMDT baaradenko mago be jatemine o senfe.

e) CMDT ka manankun ka dayelen cikelaw, ni CMDT baarakelaw; ni bankiw ye.

## 7. HUICOMA Kunkan

a) Manankun dayeleni baa raw ka to senna

b) Koorkolo feereli ka folo Mali izinibaw la

## 8. Geleya wulili feerew kan

8.1. CMDT ka baara ketaw dansigili koorkiko kelenpe kan, ani ka foroba ciya kalifalenw dgoaya a bolo. Olu kun ni sor musaka ketaw b'o la, ani soroko ni nafoliko kunnafo ni labilali kan dakun bee la.

8.2. CMDT manankun dayeleni cikelaw ni CMDT baarakelaw ye.

8.3. OHVN ka laben ka ke a danma cakeda ye min b'a yere nabo koori sor-la.

An ye nin kunnafo bo Mali koorkiko lajeba kunceseben kono Bayelemabaga : Yusufu Jalo

## Kunnafo ni gelonw

Desantaralizason kanma :

Janjubera ni Sero bilala nognna : maa duuru tora kelle la.

Mara cemaboli faamuyabaliya be se ka nani kasaara juguw ye an ka jamana kono i n'a fo min kera Janjunbera ni Sero ce.

Nin dugu 2 in ce te teme kilometre 2 kan ; benbaliya ni keleya daimateme kojugu kera sabu ye ka maa 5 bone u nin na, ka maa 40 sebekoro bana. Nin kelle in kun folo kera tuma min Jamana ye Sero ke Komini ye ka Janjuberato, o ma ben Janjunberaka si ma ; wa dugu 18 be Komini na, 10 ma son wale in ma. O kanma, Kayi kafo nemaa ye wele bila Janjunbera ni dugu 10 to ma u kana ban "resansiman ma". Depitew fana kumana a kan. Nin si m'a to Janjuberakaw ni Serokaw ka nogn soro. A kera nimisa juguba ye.

An ye nin kunnafo soro  
"Independant" kono a bo ko 385 na.

A ma ni an ma !

Dolo ma ni an ma sanko an ka dinenatige. Minfen jugu ani konfen maasibalen. A kera dolobuteli ye wo, a kera dolokooye wo, fen were te se ka bo nin jibara fila si kelen kono an n'an ka denbaya nognfen ko. Diji, banji, capalo, korokorokunba, njanaki fo ka se njanji ma; aa a si ma ni ! Duwen, biyeri, wusiki, pasisi, olu n'u nognnaw. A si maji ka cebakoro bila maalankolonya ani maalankolonya koke la a denw n'a ninw an'a juguw nena. Mun b'o ke dolo ko. Ka dutigi dese a ka denbaya koro ka soro a yerekun n'a bolofen bee be maa werew sako la. Mun b'o ke dolo ko. An kana se dolo donyoro walima a feereyoro dafe, walasa an n'an ka denbaya be kisi an danbe kunciberenin ma.

A y'aw laben kalafiliw kanma !

An ka jamana marabolow ni sigidaw ka netaa minisiriso ye san 2002 kalafili nataw boloda ka ban.

- Fen min ye hakilinata-nini-kalafiliw ye jamana kunkankow n'enaboli sariyaw kono kono la, o kalafili be ke san 2001 nowanburukalo tile 25.

- Fen min ye jamanakuntigi sugandili kalafili tako folo ye, o be ke san 2002 feburuyekalo tile 6. A tako filan be ke san 2002 awirikalo tile 28. Kalafili o jaabi sorolen folow be ganse

san 2002 mekalo tile 3. A jaabi jenjor yere be di o san kelen mekalo tile 24. O be ben tile 15 ma ka kono jamana-kuntigi kura sigili ne, o min be ke san 2002 zuwenkalo tile 8.

- Fen min ye depite sugandi-kalafiliye, o be ke san 2002 zuluyekalo tile 14.

Ka bo "Les Echos" kunnafoniseben ka san 2001 boko 1730 nan kono, zuwenkalo tile 25.

**Maakorokuma**

Sodon o, jiridon o,  
yeredon de nogn te

Yeredon ani maa were don

Yere don ani gasisigi

Maa, i mana ke cogo o cogo, f'i k'a don ko do b'i ne, i ni do ka kan, wa do b'i ko.

Dine ye sebekeyoro ye, baarakayoro don, taniniyoro don, wa maganyoro fana don.

Jinini be ben, nka ninikojugu ma ni. Bawu tinba wosen kojugu laban be bo a binaake kolo kan.

Dusu kana maa bila ko la a te min laban, bawo walidusu te ko tige, tige don sigi te maa son, nka wo fana bee te nine donyoro ye de !

Denbatigi joli joli be kaso la bi, k'o sabu ke faso nafolo nana muni ye.

Nemaa joli joli be kinfetaa la k'o sababu ke dunbalidun ye. U be sarakajugubo la don o don, ka nkalon ke ka nkalon were datugu, u ma sigi n'a ye ko bi be se, u ye faso ke lenburuba ye k'a jo u kelen da la k'a ji bee sama : mobili kuraw sanna, sankansow jora, u be musow falenfalen, k'u diya forobafen na gansan ; ka bin fantanw kan k'u bolofen mine yurukuyruku la, ka surufen mine tilegan deredere fe ; ka do ka tige yelema k'o ke nkalon ye para !

Bamananw ko ; n'i ye hake meennan ye sira la a tagara bereken de nini. Nin ce kise ninnu be min bi ? U tagara min ? U donna min ?

- Dow be dibi la Bamako kasobonba la dow sigira u nanbarasen kan, ka labankojuguya birifini da u kan ; dow ye finge k'u yelenso ye. Nka boli te dan ke, a men o men, don do tege be da u kan.

O tuma n teri i ti cogo don, n'o te huun ! huunhuunhuun.

**Idirisa Seitigi Sako  
Jamana Sorofe**

## "World Vision" ka denmisénkalanso" CDV" ye sira soro Jeli komini ni Ntɔrɔso komini kono.

**N**dugu kono ninnu ni san dugu kono na ce ye kilomètre 45 ye wored guyanfan fs. O hukumu kono, Jekabaara sebennikela dō ye taama ke san dugu kono. O taama senfe an sera Jeli "ADP" la walasa ka kunnafoni jorjor soro "World Vision" ka denmisénkalanso "CDV" taabolo kan komini kofolen ninnu kono. O sirtige la, an ni Jeli "ADP" balikukalanko kolosibaga Emaniyeli Danbele s noboye kumanogonya keka nesin denmisénkalanso "CDV" taabolo ma Jeli ni Ntɔrɔso komini kono. Kunnafo ni minnu soro, olu file : Jekabaara Karamogo Emaniyeli Danbele, e ye Jeli "ADP" balikukalanko kolosibaga ye, "World Vision" kelen be ka taabolo kura min don a ka baara la, n'o ye denmisénw kalanni ye, minnu ma garijige soro ka nañsaarakalan ke walima n'u y'a ke nk'u ma taa ne, n'u si b'a ta san 9 ka taa a bila san 15 la, n'olu ka kalanso be wele ko "CDV", i be se ka do fan ye o kun kan wa ?

**Karamogo Emaniyeli Danbele :** "CDV" ye kalanso ye "World Vision" ye min dabo denmisénw kalanni kanma minnu ma garijige soro ka taa lako la, walima u taara nka u ma ne soro. O sirtige la, Jeli "ADP" ka denmisénkalanso "CDV" ka kalan damine san 1998. Ka ta o la ka na se san 2000 nan ma "World Vision" ye denmisén 350 bɔkunfanya dibi la k'u ke kalanden jolenw ye.

**Jekabaara Karamogo Emaniyeli Danbele, san 1999/2000 baara bolodalenw foori la, ka san 200/2001 nan taw bolodara ka nesin "CDV" taabolo ma yala i be se ka do fan ye o baaraw boloda cogo kan wa ?**

**Karamogo Emaniyeli Danbele :** Min ye "CDV" ye, an ye san 200/2001 nan baaraw boloda cogo min na, an ma dugu kura ta Jeli "ADP" la. Nka min kono jelen don dugu 6 nɔgon kalandenw tilalen sansabakalan na, kalanden kuraw tara ka bila olu no na. N'a bora o

la, kalanso kura ma jo jeli "A.D.P" la ninan. Min ye Jeli "A.D.P" denmisénkalanso "CDV" hake ye, o be taa i jo kalanso 19 nɔgenna na,



**Denmisén kalanso ye  
nafantan ye**

kalanso 6 san sabanan, 6 san folo, 7 san filanan. N'i y'o kalandenw bec lajelen jate, o be t'i jo kalanden 465 la. O maa 465 la, cew ye maa 279 ye, musow ye 186 ye.

**Jekabaara Karamogo Emaniyeli Danbele, n'i ye aw ka kalandenw jate mince, i b'a ye ka fo ko cew ka ca ni musow ye, yala mum nana n'o ye ?**

**Karamogo Emaniyeli Danbele :** cew ka ca ni musow ye. Ka d'a kan, maaw te girin musomanin kan kalanko la kosebe. O sirtige la, an yaalala ka maaw lafaamu musomaninw ka kalanko la, o kera sababu ye ka do fara musomanin donta hake kan. N ka o be n'a ta, musomanin ma se ka cemanin hake bɔ. Ka d'a kan, an be mara min kono yan, a musomaninw ka tungafetaa tanga ka bon kosebe ka temen cemaninw ta kan. O hukumu kono, musomanin hake be dɔgoya san filanan ni san sabanan na. An b'a min dugumogow fe musomaninw ka don kalan na kerenkrennenya la, balikukalan.

**Jekabaara Karamogo Emaniyeli Danbele, an y'a men ko "World vision" b'a waajibiya dugumogow kan, u ka "C.D.V" kalandenw hake ke musomanin 15 ni cemanin 15 ye yala o be aw fe jeli "A.D.P" Kono yan wa ?**

**Karamogo Emaniyeli Danbele :**

Anw ni duguw ka baara nɔgonya hukumu kono anw te foyi waajibiya dugumogow kan fo fen damadow. An kono b'a nini duguw fe, u k'u iija ka musomaninw don kalan na hali n'u cayara ni cemaninw ye. Nɔnte, an te waajibiya ke dugumogow kan cogo yasi la. Hali min yera ye bali-kukalanko ye, dugumogow yɔrew de be wuli ka s'an ma k'a jira ko kalan nege be u la. N'o kera, an ka kan ka min ke, an b'o ke. I n'a fo n y'a fi ye cogo min ha ko an ye baara dɔw boloda; o senfe, an yaalala ka taa duguw la, u y'a jira o senfe ko kalan nege b'u la. O sirtige la, an ye duguw ta o cogo la. N'a bor'o la, an te foyi waajibiya mogow kan. An kono be se k'a nini duguw fe sigika fo hukumu kono, u k'u cesiri musomaninw ka kalanko fe. O temennenko ni kuma diyara n da, n be se k'a fo o dugu te jeli "A.D.P" kono yan an be balikukalan ke ni minnu ye, n'an ma taa sigi u fe an ka baro ke denmisénw ka kalanko kan. Kerenkrennenya la, musomaninw.

**Jekabaara karamogo Emaniyeli Danbele, denmisénw ka kalanso "C.D.V" damineni jeli "A.D.P" la yan, o ni ninan ce aw ka kalanden jolén dɔw ye sansabakalan foori n'a ye olu bolo dɔn baara were la wa ?**

**Karamogo Emaniyeli Danbele :** Dugu duuru minnu sera ka denmisénkalanso "C.D.V" ka sansabakalan laban, an ye kalanden jolen kelen-kelen ta o dugu kelen kelen-na la k'olu bolodon baara degeka-lan na. "World vision" be min musakai bɔ. Kalanden ninnu na, maa 3 be mobilidilan kalan ke maa 2 be kalali dege. Denmisén faa-muyalen ninnu tɔgɔ n'u jamu n'u bɔduguw file.

**Karamogo Danbele, ka bɔ sanso Ntɔrɔso komini na k'o innyi zeb Seyidu Bagayogo, iska bɔ Sanma :**

Salifu Kulubali ka bɔ waara. Nin denmisén kofolen ninnu be mobilidilan na San dugu kono.

Burama Kunmare ka bɔ wontogoso.

Fatigoma Danbele ka bɔ Ntɔgoso Bamanbara. Nin maa 2 ninnu fana be kalalidege la san

dugu kono. Min ye nin balikukalan-den jolenw ka baaradege kalan musakako ye, "World Vision" b'a jo n'a nafolo bota ye, u somogow b'u jo n'u ka jatigilako ye. A nafoloko siratige la, "World Vision" ye nafolo hake min don maa ninnu ka baara-degekalanko dafé, o hake file : Maa 2 minnu be kalalidege la, olu ka nafolo bota benna sefawari döröme ba bi naani ni kelen ani kemé woɔro ni bi woɔro (d. 41.660) ma maa kelen kunkoro Minnu ta ye mobili dilan kalan ye, olu ka nafolo bota benna sefawari döröme ba mugan ni kelen ani bi wolonwula. (d. 21.070) ma maa kelen kunkoro. Ni y'a jate miné, "World vision" be min sara nin maa duuru ka baara-dege kunkoro kalo 6 kuntaala kono, o be taa i jo sefawari döröme 157.120 na.

**Jekabaara :** *karamogo Emaniyeli Danbele, e ye "World vision" ka balikukalanso kolosibaga ye yala Jeli "A.D.P." "CDV" taabolo be cogo di ?*

**Karamogo Emaniyeli Danbele :** Owo nafaba b'u la; ka d'a kan dijé baara o baara ni mogo y'a damins, a nafa te soro yoro kelen na, sanko fen min be i n'a fo kalan, o nafa te soro ne tugu n'a yelen ce la. Ka d'a kan, i b'a kan tuma min, n'i m'i jija, a nege be bo i la. O hukumu kono, maa caman be kalan bila k'a nege t'u la. Nka o bee n'a ta, nafaba be kalanso ninnu joli la. Sabu kalan min kuncera sisani, n'o ye musojekuluw ni dugu yiriwatonw labenni ye u ka baara hukumu kono, o kalandenw fanba ye kalan ke "World vision" ka kalansow kono. O temennen ko, denmisén caman be yan minnu be u yerew ka nininibatakiw seben k'u ci an ma "world vision" la yan, ani seben werew min ni ninnu si te kelen ye. o siratige la, n b'a fo ko nafa bele-belew yera a kalansow joli la k'a masoro o ye anw ka lajinini ye.

**Jekabaara :** *Emaniyeli Danbele, aw minnu ye kalansow kolosibagaw ye, geleya jumen be aw kan o baara in taabolo la ?*

**Karamogo Emaniyeli Danbele :** Geleya te anw ka baara la. Nka ni n ye "world vision" ka balikukalan-ko jateminé, maa be se k'a fo ko

geleya be maa minnu kan u ka baara taabolo la, o ye balikukalan karamogo ye. Ka d'a kan, benkansében min be "world vision" n'a baarakéjogonduguw ni nögön ce, dugu caman t'o kónkó b'a sira fe, i n'a fo karamogo ka ladiyalifénkow n'a nögönnaw, ka fara faamuyabaliya fana kan doonin. ka d'a kan, ninan karamogo fila ye kalan bila k'a sabu ke ladiyalifénntanyan ye. O temennen ko, geleya do fana ye kalandenw ka jamanakónotaa ye. O la, ni geleyaw be anw kan an ka baara la, ninnu y'a dów ye. Sabu ni geleya o geleya ye i baarakéjogon soro, o be i n'a fo o y'i yere soro.

**Jekabaara :** *Karamogo Emaniyeli Danbele, i y'a jira i ka kuma la ko a ni dugumaaw ye Sigikafo caman ke Karamogo ka ladiyalifénko la, yala o ma fen bo a geleya la wa ?*

**Karamogo Emaniyeli Danbele :** A ye do bo a geleyaw la yoro dów la. Ka d'a kan, dugu minnu maa ma fen k'u ka Karamogo ye, n'o wulila ka se an ma k'o nefs, a ka c'a la n'an wulila ka se yen, o be se ka ke sababu ye ka doonin bo o karamogo masinnaw ka geleya la ladiyalifénko ta fan fe.

N ka n'i fana y'a jateminé, duguw fana b'u sekonin min ke karamogo ye, u caman fana be jón o la. O siratige la, karamogo caman ka kalanko be ke an b'a la ye. u t'a dabila, w'a fana te ke maa sako la.

**Jekabaara :** *Karamogo Emaniyeli Danbele, kunnafonikunce, kumadonsow ko : "Filebaga were be muso numan na na ce te". "World vision" ni jekabaara ka baranogonya hukumu kono, e ka kolosili bolila mun ni mun kan jekabaara ka baara taabolo la ?*

**Karamogo Emaniyeli Danbele :** "World vision" ni jekabaara ka baranogonya hukumu kono, an ma fiyen ye aw ka baara la. O siratige la, an ka foli ni walejuman don be ka taa jekabaara nemaayaso baarakela ce n'a muso bee lajen ye, ka fara "world vision" baarakela ce n'a muso bee lajelen kan Bamako fo Gawo.

Yusufu Fane

## Baginda maloseñebaarada nëmaa ka san laadalataama

**A** be san naani bo bi, Bagindá maloseñebaarada (n'an k'o ma ko OPIB), nëmaa be laadalataama ke ka nesin a ka baarabolo dugu 22 seneke law ma, min b'a to u be se ka forobabaro ke ben ni nögönnamu ani kotonogontala kono, min be se ka ke sababu ye ka soro yiriwa Baginda maloseñebaarada ka baarabolo dugu seneke la ce ni muso bee bolo. O siratige la, zuwenkalo tile 4, n'a tile 8, an'a tile 12 san 2001 nan Baginda maloseñebaarada nëmögoba Dase Buware y'a ka laadalataama damine a ka baarabolo duguw kono. A ni mogo minnu tun be nögön fe taama in senfe, olu tun ye : Emili Danbele, Buwa Samake, Lasine Danbele ani Mónson Sankare ye. Nëmögö ka ninan laadalataama nesinnen tun be dakun belebeleba naani ma :

- Ka hakililajigin ke san 2000/2001 baarasan feere bolodalenw na, minnu kéra ani minnu ma ke, ka fara minnu nena ani minnu ma ne kan.
- ka jisongo kura dansigilen kunna-foni da seneke law tulo kan.
- siw soro cogö n'u labaaracogo nefsli seneke law ye.
- ketaw dantigeliseben kónkow nefsli seneke law ye.


Nin dakun naani ninnu na, nëmögö y'a nini seneke law fe, u ka baro ke dakun folo min kan, o kéra san 2000/2001nan baarasan feere bolodalenw ye. O hukumu kono, kuma dira seneke law yere ma u k'u hakilina fo san 2000/2001nan baarasan feere bolodalenw kan ka nesin maloseñedugukolo labencogo, ani malosi sericogo n'a seriyoro labencogo fo ka se a turuli ma foro kono. O siratige la, seneke la dów da sera geleya caman ma minnu y'u soro san 2000/2001 baarasan na, i n'a fo malo soro dogoyali, a folofolo cayali ka fara nögow suguyaw donbaliya kan. Seneke la dów fana da sera dugukolo körliko ma ani nögontanyan, ka fara baarakeminenko geleyaw fana kan. Musa ñanbele

ka fo la, min ye tubabubaarakela koro ye, "senekela dōw ka sōrōkēbaliya sababu bē sōrō natabaya de fē. Kērenkērennenya la, malosenenaw ka d'a kan, forotigi dōw bē kōrōtō u ka malo seli kōrō k'a kaan. N'o malo jara, n'i y'o gosi, o bēs bē ke folofolo ye". O temennen kō, Emili Danbele min ye Baginda malosenebaarada māa faamuyalen ye seneko hukumu kōnō, ale ye Musa Nanbele ka kuma sōn ji la. Ale ka fo la, malo folofolo cayali bē sōrō nasira 2 de fē :

- ka malo kaan k'a sōrō a tuma ma se.

- n'a wolola ka bēn nēnē waati ma. O temennen kō, Emili Danbele da sera nōgo suguya saba nafa n'a jōyōrō bonyali ma, dugukolo baloli ni sōrō sabatili la seneko siratige la. O nōgōw ye : "DAP, 18.46.0", ani Ire ka fara nōgōfin kan. Nēmōgō ka laadalataama in senfe, Baginda falaba malosenenaw fanba da sera jiko geleya ma ka fara malobanako kan ani geleya werew an da ma se minnu ma.

Nēmaa ye senekelaw ka geleyaw kunkankumaw jaabi. A ko min ye Baginda malofala jiko ye, o dēnne don Sotubakaw la. ka d'a kan, n'olu ye jihake min di an ma, an b'o de minne ten. O temennen kō, a ko min ye malobana ni sōrō lagosili ye, olu bē sōrō senekelakōliden ka laadilikanw labatobaliya fē ani waati bolodasēben kōnōkow labatobaliya, ka fara fēn caman werew kan Baginda senekelaw t'u kunkorōsiyen minnu na. Min ye baarakēminenko ye, o sōrōbaliya sababu bē Baginda mara senekelaw la. Ka d'a kan, BNDA ka juru min be Bagindakaw la, hake si t'o la. N'olu ma sara, dōwēre donni te ko nōgon ye senekelaw togolabanki fē dē. O tuma, an b'a nini Baginda senekelaw fē, u kera jurutakamalen ye cogo min, u k'u jija ka ke jurusarakamalen ye o cogo kelen fana na. O temennen kō, nēmaa da sera san 2001/2002 baarasan jisōngō hake ma, min bē bēn sefawari dōrōmē ba duuru (d.5000) ma taari 1 na. Nēmaa ka kuma bannen, kōrōfō dira an bali-make Lasine Danbele ma, ale min ka baara nēsinnen bē senekelaw, bilasirali ma siw sōrōcogo n'u laabaracogo nēfōli la senekelaw ye ani



Baginda malosenebaarada nēmaaw lajelen u ni cikēlaw ka nōgōnyekēne kan

k'u kunnafoiya wuli-waatiko la, ka fara laadilikan werew kan. Min ye san 2001/2002 nan baarasan baaraw bolodacogo ye, Lasine Danbele y'i da don o la k'o fēsēfēsē senekelaw ye. Nk'a y'a damine ni siw soroyōrō n'u tigiw kofoli ye maaw ye. A y'a jira cogo min :

- Kōbala kura Basidi Jara, BG bē o fē.
- Daramane Tarawele, jamajigi b'o bolo.
- Koni Yusufu Dunbuya, jamajigi tōni 1 b'o bolo.
- Cama Yaran Konate, jamajigi tōni 1 ni dōonin b'o bolo.
- Koniba, jamajigi tōni 1 ni dōonin bē yen.
- Sunuguba AW C.74, tōni 1 ni dōonin b'o bolo.
- Sunuguba filanan ka AW, jamajigi tōni 1 ni dōonin b'o bolo.
- Baginda kan, jamajigi tōni 1 b'olu bolo.
- Baginda dugu kōrō, jamajigi bōre tan b'olu bolo.

Nin maa kofolen ninnu bōlen kō yen, si dōw fana maralen bē "OPIB" nēmōgōyaso la. O siw file : BG tōni 3, kokonin tōni 2 ni dōonin, ganbiyaka kilo 400, IR 32 000 kilo 100,, RPKN2 kilo 100 fana bē yen. Nin si kofolen ninnu feereli dēnne don sikolokololaw ka siw dēsēli de la. O temennen kō, a da sera baarakētaw dantigēsēben kōnōkow nēfōli ma. A ye kunnafoi minnu da senekelaw tulo kan olu file : Malosiw serili bē damine zuwēnkalo tile 10 , k'a kuncē zuluyekalo tile 10.

Malo turuli bē damine zuluyekalo tile 10, ka t'a bila utikalo tile 10 na. Jidon bē damine forow kōnō mēkalo tile 20 waatiw la, fo ka t'a se zuluyekalo ma.

Binbō ni baaramisennin tōw bē

damine zuluyekalo tile 20, fo ka t'a se Okutōburukalo tile 20 ma. Jibolisiraba kōnōji jali bē damine nowanburukalo tile 20 fo ka t'a se Desanburukalo tile 20 ma.

N'o kera, a kōnō binw n'a bōgo bē labō, ka fēn piripara bēs cē ka t'u fili kērēfē. Sabu, o waati b'a sōrō malo mako tē ji la kōsēbē.

Malo tigeli n'a gosili bē damine nowanburukalo tile 10, ka t'a bila zanwuyekalo tile 20 la.

Nin ye san 2001/2002 nan baaran san baaraw bolodacogo ye Baginda malosenebaarada (OPIB) fē. O temennen kō, an bali-make Lasine Danbele y'a ka kuma kuncē ni laadilikan dili ye senekelaw ma minnu bē ke sababu ye k'u ka sōrō sabati. A da sera minnu ma olu file :

- 1) Ka baarakētaw dantigēsēben kōnōkow labato.
- 2) Ka jibolisiraw kērēfē binw kaan, walasa ka forow kisi fēnēnamaw ka kasaaraw ma.
- 3) N'aw sigara banako ni tījenifēnko la, aw ka forow kōnō, a bē Baginda malosenebaarada ka lākōlidenw lādōnniya joona a tuma na.

O temennen kō, Baginda malosenebaarada nēmaaba Dase Buware y'a ka kōrōfō kuncē ni ketaw dantigēsēben kōnōkō sariya dōw nēfōli ye senekelaw ye. A da sera minnu ma olu file :

- 1) Ni dugukolo dira min ma sēnē kanma, o tē se k'a yēlēma, k'a singa, k'a feere, k'a fan dō walima k'a bēs di maa wērē ma.
- 2) Ni senekela faatura, a ka dugukolo sēnēni yamaruyasēben bē dilan a tījetabaga tōgō la min jirala du fē.
- 3) Ni Cikēda (UPA) min m'a ka dugukolo bēs lajelen labaara wali-ma sēnē kēcogo feere lakikaw matarafabaliya (i n'a fo, sumansi lākōdōnnēn, nōgōw, fēnēnamafagalanw, tolino, ani dānniwaatiw...) kera sababu ye ka senekela min bali ka tōni duuru sōrō taari la, i n'a fo a nininen don cogo min, Baginda malosenebaarada b'o tigi ka dugukolo minē.

Nēmaa ka fō la, ninnu waleyali bē damine nīnan san 2001 ni 2002 baarasan na.

Ala ka nin laadilikanw mēntulo y'an kun.

**Yusufu Fane**

## Nōnsonbugu World Wison be ka Sida kele

Jumadon zuwenkalo tile 8, san 2001 Nōnsonbugu komini 3 (Wolodo, Nōnkōn ani Nōnsonbugu) maaw ye nōgōn sōrō Nōnsonbugu tile 1 kōnō walasa k'ū kōgo da Sida

kofe, Mariki Goyita min ye "World Vision" nōmaa ye Nōnsonbugu, ale ye kuma ta : a ko a b'a jini denmisēnw fe, u ka dōgōtōrō ka kumaw lamen, k'a ka ladilikanw lamen



kōgo la. A nōnajé sigira sen kan "World Vision" fe k'a nōmaaya di Kolokani kafo nōmaa ma.

Nōnajé in senfe : nōgōlōnw, sogobōw, ni ntolatan ni jēkafōw kera a kene kan. Maa caman tun be yen : cew, musow, denmisēnw ani maakōrōw, ka fara Komini 3 mēriw kan ani Kolokani sandarama nōmaa n'a garadi nōmaa. Nin don in Nōnsonbugu fara i ko dakōnōniw.

Baaraw daminena waati 10 nan na ni jēkafō ye min labenna "ADP" fe, o ye jēkulü ye min be yiriwali kofo sigida kōnō. Jēkafō in tun be min kan o ye SIDA ni dilannabana yelēmataw ye, a kumasentigi tun ye dōgōtōrō Gindo ye, ale ye keneya tigilamaa ye Kolokani. Laje in kera Nōnsonbugu denmisēnw togōlaso la. Gindo kumana Sida kan, ka kuma dilannabanaw kan i n'a fo damajalan, nkōrōsiyēn, leminapo, sopisi... A ka fo la n'i y'a ye ko nin banaw be dankari adamadenw na, kunnafonidibaliya no don, a y'a jira fana ko tijé don fura ma sōrō Sida la, nka ladiriya ni yēretanga, ni fugulanafama be se ka maa kisi a tōrō ma. O tēmēnen

walasa Sida ni dilannabanaw yelēmataw ka bō an senkōrō. Jēkafō in kuncera waati 13 nan na. Wulada fe, waati 16nan na, ntolatan ba kera Wolodo ni Nōnsonbugu ce. Nōnsonbugu ce 11 ka finiw tun ye binkēn ye, Wolodokaw tun be jeman na. Jalatigebagaw tun ye



Lamini Ture, Birama Zala ani Seku Umaru Jakite ye. Sanga 90 kera titati la, tegere be fo fan 2 bēs fe, nka a kuncera Nōnsonbugu ka se kan, bawo olu ye kuru 2 sōrō, Wolodo ma fēn sōrō.

Waalan dira Nōnsonbugu ma : sefawari ba 15 ani ntola 1, Wolodokaw ye jirifeere juman sōrō ani sefawari ba 10, Nōnkōn ye joyōrō 3 nan sōrō ani sefa wari ba 5. A nafolo in bēs dira Nōnsonbugu World Vision fe. O cogo la, "World Vision" nōmaaba dō, n'o ye Asama Dara ye, a y'a jira ko nin nōnajé in n'a kōrō be nōgōn na. A ye dugawu ke sidabanabagatōw bēs ye, k'a jini bēs fe, an ka je k'an fanga ke kelen ye walasa ka Sida kele. Nōnsonbugu mēri fana ye foli ke ka nōsin bēs ma, ka bēn ni kelenya ni nōgōndēmē jini Komini 3 kōnōmaa bēs fe.

Waati 18 nan na, kene dira Cōri Jara ma, ale ye sogow bō, ka Sida mankutu jugu bēs da kene kan min kera kunnafonidi ni yelēko fana ye. Waati 21 nan dafalen kō, bēs ye nōgōn sōrō "World Vision" dagayōrō la, ka ja dōw file dilannabanaw yelēmataw kan, ka kunnafoniw ni ladilikanw sōrō minnu b'a to bēs be kisi nin banaw tōrō ma.

Nin gintan in kera ninsōndiya ba ye Nōnsonbugu n'a lamini dugu bēs

bolo. An be dugawu ke, Ala ka san wēre ta jira an kene la.

**Jēkabaara ka ciden  
kērēnkērēnnēn  
Idirisā Setigi Sako**

## Cébilennin ka maana kun filan

**A**n balimaw i n'a fo an y'an fo aw ye cogo min an ka awirilikalo boko kono, ko aw bëna Cébilennin ka maana ye mëkalo boko kono, o siratige la, an b'a to lase aw ma zuwenkalo in na.

Cébilennin ni musokorònin ye kataba-naani ni Solasegin wooro ke, janjo ma diya musokorònin na.

N balimaw, musokorònin tilala a dalakan bëe la, mögo m'a jaabi. A donna so kono k'a bolonkoninden menen ka maaw jëda laje n'o ye. Ka masoro a denmuso fila ni Cébilennin köröw tun dalen bëe so kono. A ye cënedä ye fën o fen kun, a y'olu bëe faga. O fagalenw bëenna musokorònin yere denmusow ma. N ka sanni dugu ka je, Cébilennin taara a köröw lawuli ka su ninnu jira u la, ka tila k'u ta ka taa u bila u ka dugu la o su kelen bëe la ka segin ka n'a no na a ka so kono. Dugu jelen, i n'a fo musokorònin hakili b'a la k'a ye kamalen ce fila ninnu faga, a taara Cébilennin lawuli. O nalen, a y'i kanto o ma, ko : "Taa i köröw lawuli". Cébilennin y'a jaabi ko : "Ne köröw ye ne gen, n be taa mun nini yen". O folen, musokorònin dimina ka wuli k'a be taa u lakunu, a taar'a soro a ka fagalenw benn'a yere denmusow ma. A dusu tijenêne y'i kanto ko : "Nin te maa wëre si no ye Cébilennin k'o". Nk'a y'a ke sunkurunkoro la. O y'a soro Cébilennin bëe musokorònin ka so kono. A seginnen ka na a y'i kanto Cébilennin ma, ko : "I ye nin ke ne la de ?" N ka i y'a ke sunkurunkoro la. A k'a be don so kono yoro min, Cébilennin tununa dugukolo jukoro ka taa a yere soro fo u ka dugu la. Musokorònin ye sokonominenw bëe labo, a ma Cébilennin ye. O kelen, a y'a yere yelema k'a ke kono belebele ye ka wuli ka cebilennin ka dugu segerë. A selen yen, a y'a dòn ko Cébilennin bëe yen tuma min, a y'a yere yelema k'a ke falike numan ye, ni mögo min y'a ye, o tigi t'a naniya ni maa wëre ye a yere k'o. N ka tigi foyi ma dòn fali in na dugu kono. O hukumu kono, dugu bilakoronin ye jögon dalaje k'u be fali in mine ka yelen a kan, Cébilennin y'i kanto u ma ko "Aw kana yelen fali kan de, ka d'a kan mögomayelmafali don". Dugu bilakoronin tow ye Cébilennin jaabi ko : "Anw t'i ka nengoya jalan na, anw be yelen nin kan para, here be si, here be tilen". Cébilennin k'o te baasi ye, a' ye yelen a kan. Dugu bilakoronin tow bëe yelenna fali in kan. Balimaw, yan ka di ni yen ye.



Mögomayelmafali in ye boli damine ni denmisén ninnu ye f'a ka dugu. A selen yen, a y'u bila yen k'a kanto ko : "Ale ka najegë s o r o l a". Denmisénw taali tile 2, maa minnu ka denw taara mögomayelmafali in bolo, olu farala jögon kan ka taa dugutigi ka so. U selen yen, u y'u kanto ko : "Anw nana walasa i be be feëre ke anw ka denmisén minnu taara mögomayelmafali bolo, i ka maa ci ka taa u nöfe". Dugutigi y'u jaabi : "k'o te baasi ye". A ye ci bila Cébilennin ma. O nalen, a y'i kanto ko "Cébilennin ne dugutigi y'i welebagaya ye, juguman te, dugu denmisén minnu taara mögomayelmafali bolo, i be don n jigi körö ka taa u nöfe". Cébilennin y'i kanto dugutigi ma k'o te baasi ye. N'e tun m'a fo tan, ne Cébilennin tun te taa u nöfe abada, ka d'a kan ne y'a fo u ye cogoya bëe la k'u kana yelen fali in kan, maa si ma ne ka kuma lamen, a selen te nin ye wa ?

Dugutigi ko : "Tijë b'i bolo, nka i delilia". O kuma fora yoro min, Cébilenneni wulila k'a kunda musokorònin ka dugu kan, a taara a soro misimuso kelen be musokorònin bolo, denmisén ninnu bëe lajelen be taa ni misimuso kelen in ye genniyoro la. A taara a yere yelema k'a ke binju belebele ye wëreda la. Denmisén nana ni misimuso kelen in ye k'u bëna a ladon wëre kono, a ne dara binjuba in kan yoro min, a y'a ke dakurunjedamado ye, ka soro ka taa don wëre kono. Kalo 2 o k'o, bin in kera kónobara ye, misimuso in na. Don do, denmisénw nan'u kanto musokorònin ma ko : "Misi kónoma don". Musokorònin ye denmisénw jaabi ko : "Ni misi wolola u k'a laje n'a kera muso ye, u k'a to yen, nka n'a kera ce ye u k'a faga sabu Cébilennin don. Ala y'a ke misi wolola, a den kera muso ye. Denmisénw taara a fo musokorònin ye ko misi wolola, nk'a den kera muso ye. A ko denmisénw ma ko : "a ye misiden in kolosi kosebë. Don o don misidennin be boli ka taa kungo kono, denmisénw b'a gen ka taa a ladon wëre kono. A tora o cogo la, don do la, misidennin selén kungo kono, a y'a yere yelema k'a ke maaninfin ye, k'a yere cogoya bëe nöfö u ye, k'i kanto ko : "Ni Ala ye sini dugu je an kene nena aw bëe

lajelen ka tugu n'ko, n be taa n'aw ye an ka dugu la. Dugu jelen, misiden-nin bolila ka taa kungo kono tugun. O kelen, denmisénw bëe lajelen tugura a nöfe. u selen yen, a y'a yere yelema k'a ke maaninfin ye ka denmisén ninnu bëe ta ka taa n'u ye. A temeto ye kabakurun belebele ta k'o fili ka jigin musokorònin ka bugu tufa sanfe, ka n'o ke duguma dayi, musokorònin y'a kun korota ka Cébilennin taato laje k'a bolo-fila d'a kun ka kule k'i kanto ko : "Cébilennin ye nin ke sunkurunkoro la ne ye de". Cébilennin taara ni denmisénw ye u ka dugu la, ka t'u di dugutigi ma, o ka bëe lase i somogo ma. O kelen tile 3, musokorònin y'a yere laben k'a yelema k'a ke sunkurun numan ye, ni tarawelelaka fen o fen tun mana a ye, o tun y'o ka baara bëe tijenêne ye, ka d'a kan, olu ne tana ye muso numan ye. Musokorònin selen Cébilennin ka dugu la, a ko ale te maa si fe ni Cébilennin körö te. O fora yoro min, dugu cemiséninw girinna gewu, ka juru tige a nöfe. Numuke hakilima do tun be dugu kono, o y'i kanto cemisénw ma ko : "A" ye taa Cébilennin nöfe a ka na muso in laje". U ye maa ci ka taa Cébilennin wele. A nalen, u ye kuma nöfö a ye. A y'a körö jaabi ko : "A' kana son muso in na, ka masoro musokoro sunkurun don". A körö ye tegë ci a ne kan wawu !, ka soro k'a jaabi ko : "I kana an ka muso numan ni musokoro sunkurun dañogon ma". O kelen, Cébilennin taara a ka tulonke la.

Aw k'an ben ni Ala sonn'a ma, a to be lase aw ma boko nataw la.

**Yakuba Kone ko Alibela**

### Jekabaara

Labolikuntigi

Tumani Yalam Sidibe

SébennekuluKuntigi

Yusufu Jalo

Sébennekulu

Yusufu Fane

Yusufu Jalo

Tumani Yalam Sidibe

Demejogonw

Fanta Kuluba

Idirisa Setigi Sako

Legeuw këbaga

Yakuba Jara ko Kayi

Baarakéjogonw

CMDT-World Vision-

Ofisi Nizeri-Ofisi iri-OHVN

Hake bota

11000

Batakisira : 2043

Negejurusira : 29 62 89

Jamana baarada-Séki zeyedi tögola

sira-Hamudalayi kin-Bamako